


www.BibleForChildren.org


Mateus 8



Kurã tãgtũ tũg kũ ũ tóg vênh prũg han mũ, êmã tỹ Caná tá, ga tỹ Galiléia tá. Jesus mỹnh fi vỹ venh tĩg ja nĩ. Kũ ag tóg Jesus mỹ tó mũ gé, ti tỹ fénhta venh kãtĩg jé, ti mré mũ tĩ ag mré.



Ag tỹ tá nỹĩ ra vãhã vinho tóg tũ' he mũ. Kỹ ti mỹnh fi tóg ti mỹ: “vinho vỹ hur tũg,” he mũ. Hã ra fi tóg ã tỹ fénhta ki rĩr tĩ ag mỹ: “ti tỹ ãjag mỹ nén ã tó kỹ han nĩ,” he mũ.



Kỹ Jesus tóg fénhta ki rĩr tĩ ag mỹ: “goj né
ẽn fónfãn ra, goj runrun kỹ,” he mũ. Kỹ ag
tóg fónfãn kãn mũ. Kỹ tóg ag mỹ: “goj tag
tỹ fénhta to pã'i mỹ ven,” he mũ. Kỹ ag
tóg ke mũ.



Kỹ tóg kãmẽg mũ. Hã ra tóg tỹ vinho há tãvĩ nĩ sir, ag tỹ
goj run ja ti. Hã ra tóg ki kagtĩg nĩ, Jesus tỹ goj tỹ vinho
han mũn ki. Ủ tỹ fénhta ki
rĩr tĩ ag hã vỹ ki kanhró
nỹtĩ, pã'i ẽn krẽm ke ag.



Hã kÿ tóg ùn prüg mû ên jé prêr kÿ ti mÿ: “vêjykre
vênh mÿ han ã,” he mû. “Ag tÿ kronkron vén kÿ ã tóg
ag mÿ vinho há tâvĩ nĩm ke
mû vễ. Kar kÿ vinho
pãgsĩ vÿ há nĩ vễ. Hã ra
ã tóg ag mÿ vinho
pãgsĩ ên nĩm vén.
Kÿ ã tóg vinho há
tâvĩ tag nĩm sór
mû ha vãhã,”
he tóg.





Jesus tỹ ẽmã tỹ Caná tá nén han mũn hã vẽ, Galiléia
tá. Ẽg tỹ nén han ki kagtĩg hynhan
tóg tĩ, kỹ tóg tag han vén.
Hã kỹ ti mré mũ tĩ ag tóg
ti ki ge pẽ han mũ sir,
ag tỹ ti jykre tar ẽn ven kỹ.



Kỹ Jesus tóg sir Pedro ãn kã ra rã mũ.
Hã ra ti prũ fi mỹnh fi tóg kaga
nỹ nĩ, rỹg kỹ.



Kỹ tóg fi nĩgẽ mễg mũ sir. Kỹ fi rỹg ễn tóg tũ' he mũ sir.
Kỹ fi tóg nĩ kỹ ag ki rĩr mũ sir.



Kurã ĕn kã kuty tá ag tóg ũn kagyga ag tatĩ kãmũ mũ,
ũn jagrẽ kórég ag mré hã. Ėmã ĕn ki ke kar ag vỹ ti ĩn
jãnkã tá nỹtĩ mũ.



Kỹ Jesus tóg ag tỹ há' há' he kãn mũ sir, fag tỹ ke gé.
Vějagrě kórég pan kãn tóg mũ gé. Kỹ vějagrě kórég ag
tóg ti mỹ vĩ sór mũ, ag tỹ ti ki kanhró nỹtĩn kỹ. Hã ra tóg
ag mỹ: “vĩ tũg ra!” he mũ.



Kỹ vênh kar vĩ ti kã krỹ' he sớ mũ sir, hã jé ag tóg ti ki
junjun mũ. Kỹ ỹ tỹ ti kã krỹ' he mũ ễn ag vĩ há' he kãn
mũ, ti tỹ ti jykre tar tỹ ag tỹ há' hen kỹ.



Hã ra ã ag tóg ãn kãnhgrĩ vyn kỹ tá junjun mũ sir.
Õ tỹ 4 (ke) ag vễ.



Hã ra ag tóg vënh e ãn tugrĩn ti
pétẽm tũ nĩn kỹ ti kri ĩn nón mũ.
Kỹ ag tóg nor ãn ki ãn
kaga ãn térem mũ,
kur kã kã ti fi kỹ.




Kỹ Jesus tóg ag tỹ ti ki ge kỹ nỹĩ vэг mũ sir. Kỹ tóg ãn
kaga ẽn mỹ: “inh kósin,
ã tỹ Topẽ vĩ mranh ja
ẽn vĩ tũ tĩ ha,” he mũ.
“nĩ ra, ã kur
gé tĩg,” he mũ.



Kỹ tóg canoa kã ra rã mũ sir. Kỹ ti mré mũ tĩ ag tóg ti
mré ki ge mũ gé, ag tỹ goj kafã ã ra
mũ jé. Ag tỹ goj nig mág ẽn kã
mĩ mũ ra kóho jũ tóg krog he
kãtĩ mũ sir, ha mẽ.

Kỹ goj tóg canoa kã ki
krém krém ke mũ, ti fãn
sór tóg mũ. Hã ra
Jesus tóg nũr nỹ.




Kỹ tóg ag mỹ: “ãjag tỹ neje mũmẽgmẽg nẽ? ãjag mỹ
inh ki ge há han tũ’?” he mũ. Kỹ tóg nĩ mũ sir, jẽgnẽ kỹ
tóg goj mỹ vĩ mũ, kóho mỹ. Kỹ tóg tũ’ he mũ sir. Katy’
he tóg mũ, katy tãvĩ tóg tĩ mỹr, ha mẽ.

Kỹ tóg vẽn kar mỹ e tĩ gé.

“Ti jykre tóg ẽg mỹ e tĩ,”
he ag tóg mũ.

“Kóho tóg ti vĩ han
mũ, goj ti ke gé,” he
ag tóg, fag ke gé.



Topẽ vỹ ga kri mũ ag to há nĩ. Hã kỹ
tóg ti kósin pir fẽg, vẽn kar tỹ ti ki ge
jé, ãjag tỹ tũ' he tũ nĩ jé, ãjag tỹ ẽg
rĩr krỹg ja tũ ẽn ve jé.



Roma 3:23

Topẽ vĩ mranh kãn ãg. Vẽjykre kuryj han ki kagtĩg ãg nỹtĩ.

Roma 6:23

Topẽ vĩ mranh tugrĩn ãg nũgme ki vár ke mũ vẽ. Topẽ tỹ ãg vóg kónãn hã vẽ. Hã ra tóg ãg jagãgtãn mũ. Kỹ tóg ãg mỹ rĩr krỹg ja tũ ven ke mũ. Ti tỹ ãg mỹ presente han hã vẽ, hã vỹ: ãg tỹ ãg rĩr krỹg ja tũ venh ke, he mũ, ãg Senhor tỹ Jesus Cristo tugnĩn.

Hebreu 9:27

Ëprã ke ag vỹ ter pir han tĩ gé. Ëg ter kar kỹ Topẽ vỹ, ãg jykre tugnỹm ke mũ.



Éfeso 2:8,9

Ha vé, ti tỹ ẽg jagãgtãn kỹ tóg ẽg kren han ja nĩgtĩ, ẽg tỹ ti ki ge kỹ nỹtĩn kỹ. Ẽg tỹ vėsóg ki vẽn kren han pijé'. Topẽ tỹ ẽg kren han ja vẽ mỹr. Kỹ tóg ti tỹ ẽg mỹ presente han ri ke nĩ. Ẽg vāsãn pijé'. Ẽg tỹ ẽg vāsãn to kren ra ẽg Topẽ mỹ: “há inh nĩ, vāsãn ja inh nĩ, hã kỹ sóg kren mũ,” henh mũ vẽ. Hã ra ẽg pijé, ẽg vāsãn to kren ke mũ'.
Ti tỹ ẽg jagãgtãn vẽ mỹr.

Roma 10:9,10

Ẽg krenkren jé ẽg tóg Jesus to: “ẽg Senhor vỹ tỹ ti nĩ,” henh ke mũ. Kỹ ẽg tóg ẽg fe tỹ ti ki rãnh ke mũ gé. Topẽ tỹ ti ter kar kỹ ti rĩn mãn ja tag kri ẽg nĩm ke mũ. Kỹ ẽg tóg kri fi kỹ krenkren ke mũ sir. Ẽg tỹ ẽg fe tỹ ti ki rã kỹ ẽg tóg ti mỹ há nỹtĩ. Ẽg tỹ vẽn kar mỹ ti kãmén kỹ ẽg krenkren ke mũ sir.



João 3:16,17

Topẽ vỹ ga kri mũ ag to há nĩ. Hã kỹ tóg ti kósin pir fẽg, vẽn kar tỹ ti ki ge jé, ãjag tỹ tũ' he tũ nĩ jé, ãjag tỹ ẽg rĩr krỹg ja tũ ẽn ve jé. Topẽ vỹ ti kósin jẽnẽ, ti tỹ ãjag krenkren han jé, ẽprã ke kar. Ti pijé isỹ ãjag vóg kónãn jé inh jẽnẽ',” he tóg.

1 João 5:11-13

Tag tó ti tĩ, Topẽ ti, ha mẽ. “Ãjag tỹ rĩr krỹg ja tũ venh ke ẽn han jé sóg ke mũ. Inh kósin ter ja to ãjag tóg rĩr krỹg ja tũ ẽn venh ke mũ,” he tóg. Ẽg tỹ ti kósin ki ge kỹ ẽg tóg ẽg rĩr krỹg ja tũ venh ke mũ. Ẽg tỹ jãvo ti ki ge tũ nĩn kỹ ẽg tóg rĩr krỹg ja tũ ẽn venh ke tũ nĩ. ãjag hã ne Topẽ kósin ki ge kỹ nỹtĩ. Kỹ ãjag tóg ẽg rĩr krỹg ja tũ venh ke mũ. Sỹ tag tó sór vẽ, ãjag mẽ. Hã kỹ sóg rán mũ.



Mateus 8-9; Marcos 1-2, 4; Lucas 4, 8; João 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kaingang NT (kgp) © 2005, Wycliffe Bible Translators, Inc.
in partnership with Sociedade Bíblica do Brasil
and Missão de Cristianismo Decidido

<https://www.bible.com/bible/629/MAT.1.KGP>

©2026 Bible for Children, Inc.

www.M1914.org

www.bibleforchildren.org

